

# PAPURAU BUSNES

19 Rhagfyr 2000

Rhan 1 – Adran G

## Rhybuddion o Gynigion a Gwelliannau ar gyfer Dadleuon yn y Dyfodol

Cynigion a gyflwynwyd ar 12 Rhagfyr 2000

**NDM497 Andrew Davies (Gorllewin Abertawe);**

Cynnig bod y Cynulliad Cenedlaethol:

- Yn nodi cynnwys rhaglen ddeddfwriaethol Llywodraeth y DU ar gyfer 2000-2001;
- Yn nodi bod y Mesurau arfaethedig canlynol yn arbennig o berthnasol i gyfrifoldebau'r Cynulliad:

1. Comisiynydd Plant i Gymru

2. Iechyd a Gofal Cymdeithasol

3. Cartrefi

4. Diwygio trwy Reoliadau

5. Anghenion Addysgol Arbennig ac Anabledd

- Yn neilltuo'r Mesurau uchod i'r pwyllgorau pwnc perthnasol (1 a 2: Iechyd a Gwasanaethau Cymdeithasol; 3: Llywodraeth leol a Thai; 4: Datblygu Economaidd; 5: Addysg) iddynt ystyried ymhellach pa ddarpariaethau y dylent eu gwneud ar gyfer Cymru a sut y gallai'r Cynulliad ddefnyddio'r pwerau newydd a freinir iddo drwyddynt;
- ac yn gofyn bod pob Pwyllgor yn adrodd i'r Cynulliad erbyn 13 Chwefror 2001.

**NDM498 Andrew Davies (Gorllewin Abertawe);**

Cynnig bod y Cynulliad Cenedlaethol, o dan adran 88B Deddf Cyllid Llywodraeth Leol 1988, ac yn unol â Rheol Sefydlog 19.8, yn cymeradwyo'r Adroddiad Grant Arbennig ar Grant Cynnal Ysgolion 2000-2001 (Rhif 9) (Cymru) 2000, a osodwyd yn y Swyddfa Gyflwyno ar 11 Rhagfyr 2000.

**NDM499 Andrew Davies (Gorllewin Abertawe);**

Cynnig bod y Cynulliad Cenedlaethol, gan weithredu o dan Reol Sefydlog 22.25:

- Yn cymeradwyo:

- Gorchymyn Cadw Mincod (Cymru) 2000 a osodwyd yn y Swyddfa Gyflwyno ar 24 Tachwedd 2000, ac:

- Yn ystyried adroddiad y Pwyllgor Deddfau nad yw wedi cael hyd i unrhyw fater yn y gorchymyn drafft, Gorchymyn Cadw Mincod (Cymru) 2000, a osodwyd yn y Swyddfa Gyflwyno ar 5 Rhagfyr 2000, sy'n peri gofid.

- Yn cymeradwyo:

- Rheoliadau Diogelwch Bwyd (Hylendid Bwyd yn Gyffredinol) (Siopau Cigyddion) (Diwygio) (Cymru) 2000 a osodwyd yn y Swyddfa Gyflwyno ar 24 Tachwedd 2000, ac:
- Yn ystyried adroddiad y Pwyllgor Deddfau sy'n tynnu sylw arbennig y Cynulliad o dan Reol Sefydlog 11.5 at y gorchymyn drafft, Rheoliadau Diogelwch Bwyd (Hylendid Bwyd yn Gyffredinol) (Siopau Cigyddion) (Diwygio) (Cymru) 2000, a osodwyd yn y Swyddfa Gyflwyno ar 5 Rhagfyr 2000 a'r memorandwm cywiriadau yn unol â Rheol Sefydlog 22.13(i) a osodwyd yn y Swyddfa Gyflwyno ar 11 Rhagfyr 2000.

## **Gwelliannau a Gyflwynwyd 13 Rhagfyr 2000**

Cynnig bod y Cynulliad yn mabwysiadu'r gwelliannau canlynol i'r cynigion:

### **NDM497**

#### **Peter Rogers (Gogledd Cymru)**

Ychwanegu pwynt bwled arall ar ddiwedd y cynnig:

- Yn nodi bod y Mesur Hela yn arbennig o berthnasol i Gymru, ac yn cyfeirio'r mesur at y Pwyllgor Amaeth a Datblygu Gwledig er mwyn ystyried ei oblygiadau i Gymru, ac yn gofyn i'r Gweinidog dros Faterion Gwledig i adrodd ar y modd y cymhwysir y ddeddfwriaeth arfaethedig yng Nghymru.

## **GWELLIANNAU A GYFLWYNWYD AR 14 RHAGFYR 2000**

### **NDM 497**

#### **David Davies (Mynwy);**

Ar ôl y pwynt bwled cyntaf, ychwaneger pwynt bwled newydd;

- Yn nodi'r effaith andwyol y byddai gwahardd hela â chwn yn ei chael ar amgylchedd cefn gwlad Cymru. Mae'r Cynulliad yn galw ar ei aelodau i fynegi eu cefnogaeth i hela â chwn, ac mae'n gofyn, yn unol ag adran 33 o Ddeddf Llywodraeth Cymru 1998, i Lywodraeth y DU gael ei hysbysu am farn y Cynulliad. Mae'r Cynulliad yn galw ar Lywodraeth y DU, yn unol ag ysbryd datganoli, i roi ystyriaeth lawn i'w farn.

### **Nicholas Bourne (Canolbarth a Gorllewin Cymru);**

Ar ôl y pwynt bwled cyntaf, ychwaneger pwynt bwled newydd:

- "yn nodi'r trydydd cyhoeddiad a deugain am dwyll mewn perthynas â thaliadau lles, a'r twyll hwnnw'n dal i gynyddu ac, erbyn hyn, wedi cyrraedd y lefel uchaf erioed".

### **Nicholas Bourne (Canolbarth a Gorllewin Cymru);**

Ar ôl y pwynt bwled cyntaf, ychwaneger:

"yn gresynu bod y Mesur Hela wedi'i gynnwys, ac yn gresynu at y rhaniadau y bydd yn eu creu mewn cymunedau yng Nghymru, ac mae'n cydnabod na fydd yn gwneud dim i fynd i'r afael â'r argyfwng sy'n wynebu cefn gwlad Cymru ar hyn o bryd."

### **Nicholas Bourne (Canolbarth a Gorllewin Cymru );**

Ychwaneger ar ddiwedd y pwynt bwled cyntaf:

"ac yn gresynu at y ffaith nad oes unrhyw fesurau i ddelio â'r argyfwng yng nghefn gwlad Cymru".

### **Jocelyn Davies (Dwyrain De Cymru);**

Ar ôl y pwynt bwled cyntaf, ychwaneger pwynt bwled newydd;

- ac mae'n gresynu at y ffaith nad oes unrhyw ddeddfwriaeth sy'n dangos bod unrhyw ymrwymiad i ail ddsbarthu cyfoeth a ffyniant ar sail cymdeithasol nac ar sail daearyddol.

### **Jocelyn Davies (Dwyrain De Cymru);**

Ar ôl y pwynt bwled cyntaf, ychwaneger pwynt bwled newydd;

- yn galw ar Brif Weinidog Cymru i gyhoeddi adroddiad manwl am y gweithdrefnau y gall y Cynulliad eu defnyddio i ddylanwadu ar raglen ddeddfwriaethol y Llywodraeth.

### **Jocelyn Davies (Dwyrain De Cymru);**

Ar ôl 'gyfrifoldebau'r Cynulliad' yn yr ail bwynt bwled, ychwaneger pwynt bwled newydd:

- ac mae'n galw ar Brif Weinidog Cymru ac Ysgrifennydd Gwladol Cymru i sicrhau bod yr holl Fesurau sy'n effeithio ar swyddogaethau a chyfrifoldebau'r Cynulliad yn cael eu drafftio yn y fath fodd fel eu bod yn caniatáu cymaint o hyblygrwydd â phosibl i'r Cynulliad wrth iddo roi darpariaethau'r Mesurau hynny ar waith ac wrth iddo ddatblygu polisi yn y meysydd dan sylw.

### **Jocelyn Davies (Dwyrain De Cymru);**

Ar ôl y trydydd pwynt bwled, ychwaneger pwynt bwled newydd:

- yn galw ar y Gweinidogion Cynulliad perthnasol i wneud datganiad cyn i'r mesurau hyn gwblhau eu taith drwy senedd y DU, gan ddatgan i ba raddau y mae unrhyw welliannau yn y Mesurau yn adlewyrchu sylwadau a gyflwynwyd gan y Cynulliad.

### **Jocelyn Davies (Dwyrain De Cymru);**

Ar ôl y trydydd pwynt bwled, ychwaneger pwynt bwled newydd:

- ac mae'n gresynu bod y Mesur i roi'r pŵer i'r Llysoedd beidio â rhoi'r hawl i ddiffynyddion gael treial gerbron rheithgor yn mynd i gael ei ail gyflwyno; ac na chafodd unrhyw Fesur i gynnal refferendwm ar gyflwyno cynrychiolaeth gyfrannol ei gynnwys yn y rhaglen ddeddfwriaethol.

### **Jocelyn Davies (Dwyrain De Cymru);**

Ar ôl y trydydd pwynt bwled, ychwaneger pwynt bwled newydd:

- yn galw ar y Weithrediaeth i ymgynghori â'r Cynulliad ynghylch pa Fesur ar gyfer Cymru'n unig y dylid gofyn amdano yn rhaglen ddeddfwriaethol y DU y flwyddyn nesaf.

### **Kirsty Williams (Brycheiniog a Sir Faesyfed);**

Ychwaneger pwynt bwled newydd ar y diwedd:

- "yn cadarnhau'r hyn a ddywedwyd ganddo eisoes, sef ei fod o'r farn bod y cynnig yn y Mesur Cyfiawnder Troseddol (Dull y Treial), sy'n cael ei ail gyflwyno, i ddileu hawl diffynyddion i ddewis treial gerbron rheithgor, yn ymosodiad difrifol ar ryddid sifil."

### **Kirsty Williams (Brycheiniog a Sir Faesyfed);**

Ychwaneger pwynt bwled newydd ar y diwedd:

- "yn ategu'r farn bod y ddeddfwriaeth arfaethedig ar Faterion Cartref, sydd â'r bwriad o herio diwylliant yr 'iob', yn cynnwys mesurau cul ac anymarferol, sydd yn ddim byd ond gimics gan fod etholiad ar y gorwel."